

DEMANTI SINDIKATA



## Sindikata BH Telecoma: Navodne tajne beneficije su potpuna neistina i besmislica



Klix.ba  
30.1.2018. u 15:34

38 93



SINDIKAT BH TELECOMA-SARAJEVO  
- VUEČE ZAPOSLENIKA -  
Zrnja od Bosne 88 71000 Sarajevo, Bosna i Hercegovina  
Tel: +38733 654067 - Fax: +38733 594060  
Mail: sindikat@bhtelecom.ba

Sarajevo, 29.01.2018.

Redakcija portala Klix.ba

Predmet: Obavještenje pred tužbu

Žao nam je što nismo u mogućnosti ovaj dopis početi s „Poštovana redakcija“, jer se kod nas poštovanje ne podrazumijeva, nego se zaslužuje, a vi to svojim izvještavanjem u vezi zahtjeva radnika BH Telecoma u posljednjih 7 dana, niste zaslužili.

Koristimo priliku da Vas obavijestimo da smo zbog velikog broja neistina imenih u više navrata na vašem portalu, prije svega o radnicima BH Telecoma, a onda i o Sindikatu i njegovom rukovodstvu, preko advokatskog tima Sindikata BH Telecoma pokrenuli niz privatnih tužbi protiv redakcije i novinara koji problemima novinarkoj obci u javnost iznose neprovjerene, netačne i jednostrane informacije, bez da se omogućiti očitovanje druge strane, tj. one o kojoj se piše.

Pored privatnih tužbi obavještavamo Vas da će Sindikat u ime 3.400 radnika pokrenuti tužbu za štetu jer se u vašim tendencioznim tekstovima radnici BH Telecoma pokušavaju prikazati kao grupa koja uživa nezakonite ili velike privilegije, što je potpuno netačno i u šteti je obmanjivanje javnosti, a nama radnicima stavlja metu na čelo.

Obavještamo da će namuđne ili autor teksta koje samo vi i još jedan, očigledno sponzorirani neobjektivni portal, objavljujete, prisuziti odgovornost i platiti vaše kame i sudske troškove.

Nadamo se da će neki demanti biti u cijelosti objavljeni uz izvještaje onima kojima je većim neistinama nanijeta šteta. U protivnom ćete kolikove koje ste objavili morati do dokazate na sudu suočavajući se sa tužbama.

Predsjednik Sindikata BH Telecoma  
  
Firma: 602



1 / 3



Sindikata BH Telecoma uputio je redakciji portala Klix.ba pismo i demanti na članak objavljen 28. januara pod naslovom "Privilegije za koje se plaše u BH Telecomu: Naknade za školovanje djece, otpremnine do 100.000 KM". Pismo i demanti prenosimo u cijelosti.

"Žao nam je što nismo u mogućnosti ovaj dopis početi s 'Poštovana redakcija', jer se kod nas poštovanje ne podrazumijeva, nego se zaslužuje, a vi to svojim izvještavanjem u vezi zahtjeva radnika BH Telecoma u posljednjih 7 dana, niste zaslužili.

Koristimo priliku da vas obavijestimo da smo zbog velikog broja neistina iznesenih u više navrata na vašem portalu, prije svega o radnicima BH Telecoma, a onda i o Sindikatu i njegovom rukovodstvu, preko advokatskog tima Sindikata BH Telecoma pokrenuli niz privatnih tužbi protiv redakcije i novinara koji protivno novinarskoj etici u javnost iznose neprovjerene, netačne i jednostrane informacije, bez da se omogući očitovanje druge strane, tj. one o kojoj se piše.

Pored privatnih tužbi obavještavamo vas da će Sindikat u ime 3.400 radnika pokrenuti tužbe za klevetu jer se u vašim tendencioznim tekstovima radnici BH Telecoma pokušavaju prikazati kao grupa koja uživa nezakonite ili velike privilegije, što je potpuno netačno i u službi je obmanjivanja javnosti, a nama radnicima stavlja metu na čelo.

Očekujemo da će naručilac ili autor tekstova koje samo vi i još jedan, očigledno sponzorisani neobjektivni portal, objavljujete, preuzeti odgovornost i platiti vaše kazne i sudske troškove.

Nadamo se da će naš demanti biti u cjelosti objavljen uz izvinjenje onima kojima je vašim neistinama nanijeta šteta. U protivnom ćete neistine koje ste objavili morati da dokažete na sudu suočavajući se sa tužbama", napisano je u pismu Sindikata BH Telecoma.

**Demanti na članak objavljen na portalu Klix.ba "Privilegije za koje se plaše u BH Telecomu: Naknade za školovanje djece, otpremnine do 100.000 KM"**

Obraćamo vam se povodom članka pod navedenim naslovom i koristimo svoje zakonsko pravo na objavu demantija, te vas molimo da isti objavite u cijelosti, na isti način, u istom obimu i u istom trajanju kao i demantirani članak. Protivno novinarskoj etici, u javnosti ste u više navrata iznijeli neprovjerene, netačne i jednostrane informacije, bez da ste omogućili očitovanje druge strane, tj. one o kojoj se piše.

U pomenutom tekstu je navedeno slijedeće: "Za određene beneficije u BH Telecomu se javno zna, neki detalji su javna tajna, a dio ne zna niko osim zaposlenika i njihovih najbližih."

To da postoje navodne tajne beneficije je potpuna neistina i besmislica, te predstavlja grubu novinarsku grešku, da takve stavove iznosi bez povjere, bez dokaza i bez navođenja izvora takve informacije.

Dalje se navodi i slijedeće: "Izvori do kojih smo došli otkrivaju nam da radnici BH Telecoma među rijetkima u ovoj državi primaju jubilarnu nagradu",

Navedeno predstavlja još jedan zlonamjerni, neistinit i tendenciozan stav. Da nije tako, morali bi navesti gdje to sve nema jubilarne nagrade, a gdje je ima, pa onda reći koji su rezultati poslavanja i jednih i drugih, u odnosu na BH Telecom.

Dozvolite da postavimo jednostavno pitanje: koga štite vi i vaš izvor informacija iz Vlade FBiH omalovažavajući radnike BH Telecoma i vrijeđajući inteligenciju čitatelja?

U vašem tekstu je navedeno i slijedeće: "Satnica u BH Telecomu iznosi 3,87 KM i među najvećim je u javnom sektoru, čak veća i od one u Elektroprivredi, dok je opet satnica u zdravstvenom sektoru, uključujući i ljekare oko 2,35 KM u prosjeku, jer sve zavisi od kantona do kantona".

I ovo je još jedna gruba manipulacija činjenicama. Poređenje podataka o visini satnice, bez poređenja koeficijenata je u najmanju ruku zlonamjerna ili amaterska, jer da želite istinito informisati javnost iznijeli bi i podatak o koeficijentima za platne razrede onih koje želite porediti. Tek tada se množenjem istih sa satnicom i brojem radnih sati dobija iznos plate za stručnu spremu. Tek tada možete praviti poređenja i informisati javnost, jer ne postoji jedinstvena cijena radne satnice, a upravo to vi pokušavate predstaviti.

Dalje u tekstu ste naveli: "Pored toga postoje i naknade za školovanje djece, slobodne dane za preseljenje, krečenje, maksimalni godišnji odmori i još mnogo toga."

Gnusna je laž da radnici BH Telecoma imaju naknadu za školovanje djece. Također nije istina da radnici BH Telecoma imaju slobodne dane za krečenje, a dužina godišnjeg odmora je ograničena zakonom i ne može biti veća od 30 dana, tako da je godišnji odmor u BH Telecomu kao i u svim drugim kompanijama.

I još ste naveli: "Ono što su u prethodnom periodu iznosili iz Vlade FBiH, to je iznos otpremine, koja je u BH Telecomu jedna od najvećih u državi te za starije radnike može dosegnuti iznos od 100.000 KM pa i više. Tako se nerijetko spominje da stariji radnici traže štelu da bi dobili otkaz u BH Telecomu radi visine otpremine".

Nikada nikome u BH Telecomu nije isplaćena otpremnina koju ste naveli u tekstu, a pogotovu ne nakon što bi dobio otkaz, koji nije rijedak slučaj u firmi. Otpremine se u svakoj firmi pa tako i u BH Telecomu isplaćuju prilikom odlaska u penziju i one, shodno Zakonu o radu, iznose do šest (6) prosječnih plaća.

Pored toga postoji mogućnost da radnik odlaskom u penziju dobije i poklon do iznosa jedne prosječne plate. Zato bi samo budala tražila otkaz, radi otpremine koje nema.

Još jednom vas upozoravamo i molimo da više nikada ne iznosite neprovjerene i očigledno podmetnute informacije koje štete javnom interesu, a to je razvoj kompanije i zaštita prava radnika. Shodno osnovnom novinarskom pravilu, u javnost više nemojte iznositi neprovjerene, netačne i jednostrane informacije, bez da ste omogućili očitovanje druge strane, tj. one o kojoj se piše. U suprotnom, bit će jasno za čiji interes učestvujete u isplaniranoj pljački stoljeća u BiH, a to je prodaja BH Telecoma.

(Predsjednik Sindikata BH Telecoma, Fikret Alić)

BH Telecom

ABC▼ Prijavi grešku